



# SLUŽBENI GLASNIK

## OPĆINE ZAVIDOVIĆI

---

Broj: **1** • Datum: 08.02.2017. godine

---

**IZDAVAČ:** Stručna služba Općinskog vijeća  
**REDAKCIJSKI KOLEGIJ:** Samira Pinjić – odgovorni urednik  
Fatima Merdanović – član  
Almina Mušić – član



**I – AKTI OPĆINSKOG VIJEĆA**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-2516/16-AP-17  
Datum, 31.1.2017. godine

Na osnovu člana 6., člana 9. stav 1. i člana 14. stav 1. Zakona o komunalnim djelatnostima („Službene novine ZE-DO kantona“, broj: 17/08), člana 25. stav 1. tačka 10. Statuta Općine Zavidovići („Službeni glasnik Općine Zavidovići“, broj: 5/2008 i 5a/2008), na 4. sjednici Općinskog vijeća Zavidovići, održanoj dana 31.01.2017. godine, donesena je

**O D L U K A**  
**o izmjenama i dopunama Odluke o**  
**komunalnom redu**

**Član 1.**  
**(Organizovano prikupljanje i odvoz otpada)**

U članu 12. stav (3) Odluke o komunalnom redu („Službeni glasnik Općine Zavidovići“, broj: 3/2015) riječi „i MZ-e“ brišu se, a slova „su“ zamjenjuje se slovima „je“.  
U članu 12. stav (5) brišu se riječi „u saradnji sa organima MZ-a“.

**Član 2.**  
**(Prikupljanje i odvoz krupnog otpada)**

Član 21. Mijenja se i glasi:  
„(1) Komunalno preduzeće dužno je pet puta godišnje, (u mjesecu februaru, aprilu, junu, augustu i oktobru) prikupljati i odvoziti krupni otpad.  
(2) O vremenu i načinu prikupljanja i odvoza krupnog otpada komunalno preduzeće dužno je obavijestiti građane putem lokalnih sredstava javnog informisanja i svoje WEB stranice.  
(3) Korisnici usluga su dužni krupni otpad odložiti na mjesto i u vrijeme označeno u obavještenju o odvozu krupnog otpada, a koje izdaje komunalno preduzeće.  
(4) Zabranjeno je odlaganje krupnog otpada i građevinskog šuta u posude za otpad i na mjesta koja nisu za to određena.  
(5) Korisnik usluga može tražiti od komunalnog preduzeća odvoz krupnog otpada i van perioda iz stava 1. ovog člana ali za to plaća odgovarajuću naknadu u skladu sa važećim Cjenovnikom komunalnih usluga ili ga sam prevesti na mjesto određeno po uputi komunalnog preduzeća i odložiti na deponiju bez naknade.“

**Član 3.**  
**(Zabrane na zelenoj pijaci)**

U članu 124. iza stava (1) dodaje se stav (2) koji glasi:

„(2) Zabranjeno je na zelenoj pijaci prodavanje ili izlaganje duhana, duhanskih proizvoda i drugih roba i proizvoda koji ne spadaju u voće, povrće i rasad, (tekstilna roba, odjeća i obuća, ručni rad i razne rukotvorine).“

#### **Član 4. (Nadležnost građevinske inspekcije)**

U članu 145. stav (1) i (2) riječi «komunalni inspektor» zamjenjuju se riječima «građevinski inspektor».

#### **Član 5. (Držanje pčela)**

Iza člana 178. dodaje se novi član 178 a. koji glasi:

##### **„Član 178 a.**

(1) Držanje pčela i postavljanje pčelinjaka u naseljenim mjestima izvan urbanog područja općine Zavidovići, dozvoljeno je pod sljedećim uslovima:

a) košnice sa pčelama moraju biti udaljene najmanje sedam metara od granice sa parcelom drugog vlasnika i najmanje 20 metara od nastanjenog stambenog objekta. Izuzetno, košnice sa pčelama se mogu postaviti i na manju udaljenost od sedam metara, ali ne manju od 4 metra, ako se vlasnici posjeda dogovore o tome, uz obaveznu izgradnju prepreke - zida u visini od 2,5 metra između posjeda,

b) košnice sa pčelama ne mogu biti bliže saobraćajnici - putu od 20 metara uz obaveznu izgradnju prepreke – zida u visini od 2,8 metara u pravcu saobraćajnica – puta, a igralištu i sportskim terenima bliže od 50 metara,

c) udaljenost pčelinjaka od drugog pčelinjaka je najmanje 100 metara, ukoliko se vlasnici pčelinjaka drugačije ne dogovore.

(2) Izuzetno od prethodnog stava, pod istim uslovima kao i u stavu (1) dozvoljeno je držanje pčela u V i VI zoni urbanog područja općine Zavidovići u skladu sa granicama zona propisanih Odlukom o određivanju zona („Službeni glasnik općine Zavidovići“, broj: 9/11).“

#### **Član 6. (Prekršajni nalog)**

U članu 181. iza stava (4) dodaje se stav (5) koji glasi:

„(5) Komunalno preduzeće može, u slučaju da ustanovi da je učinjen prekršaj iz ove Odluke, a koji je u nadležnosti Komunalnog preduzeća, izdati prekršajni nalog ili podnijeti zahtjev za pokretanje prekršajnog postupka.“

#### **Član 7. (Prekršaji pravnog lica i odgovornog lica u pravnom licu)**

U članu 187. stav (1) tačka 2. umjesto broja „2.“ stavlja se broj „4.“, iza broja „9.“ dodaje se riječ i broj: „i član 21.“

U članu 187. stav (1) tačka 54. iza riječi „odobrenje“ stavlja se zarez i dodaju se riječi: „ako na zelenoj pijaci prodaje ili izlaže duhan, duhanske proizvode i druge robe i proizvode koji ne spadaju u voće, povrće i rasad“.

U članu 187. stav (1) tačka 59. ispred riječi „ako istakne pocijepanu, izgužvanu ili prljavu zastavu“ dodaju se riječi: „ako ne istakne zastavu ili“, zatim u zagradi iza riječi „član“ dodaje se broj i slovo „135. i“.

U stavu (3) istog člana iza riječi „komunalni inspektor“ stavlja se zarez i dodaju se riječi „građevinski inspektor i komunalno preduzeće, svako iz okvira svoje nadležnosti“.

- 3 -

**Član 8.  
(Prekršaji građana)**

U članu 188. stav (1). tačka 1. umjesto broja „2.“ stavlja se broj „4.“.

U članu 188. stav (1) tačka 41. iza riječi „odobrenja“ stavlja se zarez i dodaju se riječi „i ako na zelenoj pijaci prodaje ili izlaže duhan, duhanske proizvode i druge robe i proizvode koji ne spadaju u voće, povrće i rasad“.

U članu 188. stav (1) tačka 43. ispred riječi „ako istakne pocijepanu, izgužvanu ili prljavu zastavu“ dodaju se riječi: „ako ne istakne zastavu ili“, zatim u zagradi iza riječi „član“ dodaje se broj i slovo „135. i“.

U stavu (1) tačka 63. iza broja „178.“ dodaje se broj i slovo „178 a.“.

U stavu (2) istog člana iza riječi „komunalni inspektor“ stavlja se zarez i dodaju se riječi „građevinski inspektor i komunalno preduzeće, svako iz okvira svoje nadležnosti“.

**Član 9.  
(Stupanje na snagu)**

Ova odluka stupa na snagu osmog dana od dana objavljivanja u “Službenom glasniku Općine Zavidovići”.

**PREDSJEDAVAJUĆI  
OPĆINSKOG VIJEĆA**

(M.P.)

Redžo Seferović, s.r.

- 4 -

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-164/17-AP-4  
Datum, 31.1.2017. godine

Na osnovu odredbe člana 8. stava 3. Zakona o principima lokalne samouprave u Federaciji Bosne i Hercegovine («Službene novine FBiH», broj: 49/06, 51/09), odredbe člana 13. stava 3. Zakona o pripadnosti javnih prihoda u Federaciji Bosne i Hercegovine i finansiranju F BiH («Službene novine FBiH», broj 22/06, 22/09) i odredbe člana 25. Statuta općine Zavidovići («Službeni glasnik općine Zavidovići», broj: 5/08 i 5a/08), Općinsko vijeće Zavidovići na 4. sjednici, održanoj 31.01.2017. godine, donijelo je

**O D L U K U**  
o dopuni Odluke o komunalnim taksama

Član 1.

U Odluci o općinskim komunalnim taksama ("Službeni glasnik općine Zavidovići", broj: 1/2015) iza člana 15. dodaje se novi član 16., koji glasi:

"Započeti i pravosnažno neokončani postupci utvrđivanja taksene obaveze po odredbama Odluke o općinskim komunalnim taksama („Službeni glasnik općine Zavidovići“, broj: 3/2009), okončat će se po odredbama Odluke o općinskim komunalnim taksama ("Službeni glasnik općine Zavidovići", broj: 1/2015)."

Član 2.

Ova Odluka stupa na snagu prvog narednog dana od dana objavljivanja u "Službenom glasniku općine Zavidovići".

PREDSJEDAVAJUĆI  
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-23-162/17-AP-4  
Datum, 31.1.2017. godine

Na osnovu Člana 24. stav (1) B) tačka 2), člana 42. stav (1) i člana 51. stav (1) tačka g). Zakona o prostornom uređenju i građenju ("Sl. novine Zeničko-dobojskog kantona", broj: 1/14 i 4/16 ) i člana 25. Statuta općine Zavidovići ("Službeni glasnik općine Zavidovići", broj: 5/08 i 5/a/08 ), Općinsko vijeće Zavidovići na 4. sjednici održanoj 31.01.2017. godine, donijelo je

**O D L U K U**  
**o pristupanju izradi izmjena i dopuna**  
**Regulacionog plana "CENTAR II" Zavidovići**

Član 1.

Pristupa se izradi izmjene i dopune Regulacionog plana "CENTAR II" Zavidovići, („Službeni glasnik općine Zavidovići“, broj: 5/01, 10/02, 5/06 , 2/08 i 5/15).

Član 2.

Izmjene i dopune plana vršit će se u granicama obuhvata ovog Regulacionog plana na lokalitetima:

- lokalitet – "Bivše instalacije",
- lokalitet – "Prodajni objekat MRKI".

Opravdane zahtjeve za izmjene plana, a koje se mogu iznijeti tokom javne rasprave, zajednički će analizirati Nosilac izrade i Nosilac pripreme plana i odlučiti o njihovom uvrštavanju u Regulacioni plan.

Član 3.

Rok za izradu Regulacionog plana je 6 (šest) mjeseci od dana usvajanja Odluke o pristupanju izradi izmjena i dopuna Regulacionog plana "Centar II".

Član 4.

Rok za javnu raspravu je 20 dana od dana usvajanja.

Član 5.

Sredstva za izradu izmjena i dopuna ovog Regulacionog plana su obezbijedena u Budžetu općine Zavidovići.

- 6 -

Član 6.

Za nosioca pripreme izrade Regulacionog plana određuje se Općinski načelnik, Služba za upravu geodetskih, imovinskopravnih poslova i urbanizma a nosilac izrade Regulacionog plana će se odrediti u skladu sa odredbama Zakona o javnim nabavkama BiH.

Član 7.

Izmjene i dopune Regulacionog plana "CENTAR II" Zavidovići donose se na period od 5 (pet) godina.

Član 8.

Ova odluka stupa na snagu osmog dana od dana objavljivanja u "Službenom glasniku općine Zavidovići."

PREDSJEDAVAJUĆI  
OPĆINSKOG VIJEĆA

(M.P.)

Redžo Seferović, s.r.



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-23-168/17-AP-5  
Datum, 31.1.2017. godine

Na osnovu člana 40. stav (10) Zakona o prostornom uređenju i građenju ("Sl. novine Zeničko – dobojskog kantona", broj: 1/14 i 4/16) i člana 25. stav (1) tačka 5. Statuta općine Zavidovići («Službeni glasnik općine Zavidovići», broj 5/08 i 5/a/08), Općinsko vijeće Zavidovići na 4. sjednici održanoj 31.01.2017. godine, donijelo je

**O D L U K U**  
**o usvajanju Plana parcelacije građevinskog zemljišta**

Član 1.

Usvaja se plan parcelacije građevinskog zemljišta označenog sa k.č. broj: 1389/1 površine 946m<sup>2</sup> i 1390/3 površine 750 m<sup>2</sup> k.o. Zavidovići naziva Podubravlje upisane u posjedovni list broj 232, DR.SV. općina Zavidovići, na način da se od gore navedenih parcela odcijepi i formira građevinska parcela označena sa k.č. broj: 1389/3 površine 850 m<sup>2</sup> sa obezbijeđenim pristupom na gradsku ulicu "Podubravlje".

Član 2.

Plan parcelacije građevinskog zemljišta iz prethodnog stava izvršen je u skladu sa namjenom građevinskog zemljišta i isti će se smatrati obaveznim sastavnim dijelom detaljnog planskog dokumenta za predmetno područje.

Član 3.

Prijedlog veličine, oblik i položaj građevinske parcele utvrdila je Služba za upravu geodetskih, imovinskopravnih poslova i urbanizma.

Član 4.

Sastavni dio ove odluke čini grafički prikaz parcele.

Član 5.

Sredstva za pripremu, izradu i praćenje provođenja plana parcelacije obezbijavaju se iz Budžetu općine Zavidovići.

Član 6.

Ova odluka stupa na snagu prvog narednog dana od dana objavljivanja u "Službenom glasniku općine Zavidovići".

PREDSJEDAVAJUĆI  
OPĆINSKOG VIJEĆA

(M.P.)

Redžo Seferović, s.r.



-SKICA-


Prijedlog parcelacije građevinskog zemljišta označenog sa  
kč. 1389/1 i kč. 1390/3

R= 1: 500

Katastarska općina Zavidovići

kč. 1389/1, PL 232, posjed DRSV Zavidovići-Općina Zavidovići, 1/1


kč. 1390/3, PL 232, posjed DRSV Zavidovići-Općina Zavidovići, 1/1




Command: \_list 8 found

- 1 y=6511070.808 x=4921399.193
- 2 y=6511101.109 x=4921417.428
- 3 y=6511095.373 x=4921427.484
- 4 y=6511100.692 x=4921434.183
- 5 y=6511096.481 x=4921456.356
- 6 y=6511093.257 x=4921458.392
- 7 y=6511085.751 x=4921445.787
- 8 y=6511074.431 x=4921415.029

legenda:

 dio kč.1389/1 i dio kč 1390/3 u ukupnoj površini od P=850,00<sup>2</sup> m

PRIJEDLOG FORMIRANJA PARCELE OZNAČENE SA kč. 1389/3 u POVRŠINI OD 850m<sup>2</sup>)

Izradio:  
  
Nermin Džaferović, dipl.ing.geod.

Broj: \_\_\_\_\_ /  
januar , 2017 godina

Ovjerava:  
  
Mirsad Dedić, dipl.ing.arh.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-14-234/17-AP-4  
Datum, 31.1.2017. godine

Na osnovu člana 31. stav 1. tačka 1. Zakona o principima lokalne samouprave ("Službene novine F BiH", broj: 49/06 i 51/09), člana 86. Statuta općine Zavidovići ("Službeni glasnik općine Zavidovići", broj: 5/08 i 5a/08) i člana 30. Odluke o izvršavanju Budžeta općine Zavidovići za 2017. godinu („Službeni glasnik općine Zavidovići“, broj: 11/16), Općinsko vijeće Zavidovići na 4. sjednici od 31.01.2017. godine, donijelo je

### **O D L U K U**

o raspodjeli sredstava za redovnu djelatnost  
mjesnih zajednica u 2017. godini

#### **Član 1.**

Odlukom o rasporedu sredstava za redovnu djelatnost mjesnih zajednica u 2017. godini (u daljem tekstu: Odluka) utvrđuju se ukupna sredstva i način raspodjele sredstava za rad mjesnih zajednica u 2017. godini.

Ukupna sredstva u 2017. godini utvrđuju se u iznosu od 100.000,00 KM.

#### **Član 2.**

Sredstva iz člana 1. stav 2. Odluke raspoređuju se mjesnim zajednicama na slijedeći način:

- 30% linearno i
- 70% prema broju stanovnika.

Raspored sredstava po mjesnim zajednicama, na osnovu elemenata iz stava 1. ovog člana, sastavni je dio ove Odluke.

#### **Član 3.**

Iz raspoređenih sredstava finansirat će se redovan rad i aktivnosti mjesnih zajednica.

Sredstva za ove namjene doznačavat će se na osnovu finansijskog plana svake mjesne zajednice, mjesečnog plana raspodjele i izvještaja o realizaciji istog za prethodni mjesec.

#### **Član 4.**

Izuzetno od prethodnog člana, isplata sredstava se može vršiti u drugačijim iznosima, drugačijoj dinamici ili u jednokratnom iznosu u okviru planiranih sredstava za svaku mjesnu zajednicu utvrđenu rasporedom na osnovu akata Općinskog načelnika, a na osnovu zahtjeva mjesne zajednice u slučajevima zbog ranije nastalih finansijskih obaveza koje su dovele ili mogu dovesti do blokada transakcijskog računa mjesne zajednice.

- 10 -

**Član 5.**

U slučaju formiranja novih mjesnih zajednica, vršit će se preraspodjela u okviru planiranih sredstava za finansiranje mjesnih zajednica u Budžetu općine Zavidovići za 2017. godinu.

**Član 6.**

Ukoliko ne dođe do planirane realizacije sredstava u Budžetu općine Zavidovići, doznačavati će se sredstva umanjena procentualno izvršenju Budžeta.

**Član 7.**

Ova Odluka stupa na snagu prvog narednog dana od dana objavljivanja u "Službenom glasniku Općine Zavidovići", a primjenjivat će se od 01.01.2017. godine.

PREDSJEDAVAJUĆI  
OPĆINSKOG VIJEĆA

(M.P.)

Redžo Seferović, s.r.



**RASPODJELA SREDSTAVA ZA RAD MJESNIH ZAJEDNICA U 2017.GODINI**  
 (član 2. Odluke)

RB	MJESNA ZAJEDNICA	BROJ STANOVNIKA ( PROCJENA * )	LINEARNO	PO BROJU STANOVNIKA	UKUPNO
1.	ASIM ČAMDŽIĆ	4030	1.428,57	7.838,60	9.267,17
2.	KLEK	5737	1.428,57	11.158,70	12.587,27
3.	BRANIOCI GRADA	3901	1.428,57	7.588,00	9.016,57
4.	DUBRAVICA	831	1.428,57	1616,30	3.044,86
5.	DOLINA-ALIĆI	1163	1.428,57	2.262,40	3690,97
6.	PAŠIN KONAK	3175	1.428,57	6.175,40	7.603,97
7.	MEČEVIĆI	1181	1.428,57	2.297,40	3.725,97
8.	VOZUČA	1745	1.428,57	3.394,30	4.822,87
9.	RIBNICA	1039	1.428,57	2.020,90	3.449,47
10.	MAOČA	305	1.428,57	593,60	2.022,17
11.	RUJNICA	1087	1.428,57	2.114,00	3.542,57
12.	KOVAČI	3710	1.428,57	7.216,30	8.644,87
13.	BREZIK	1161	1.428,57	2.258,20	3.686,77
14.	KRIVAJA-SMAILBAŠIĆI	611	1.428,57	1.188,60	2.617,17
15.	GOSTOVIĆ	2771	1.428,57	5.390,00	6.818,57
16.	DONJI GOSTOVIĆ	868	1.428,57	1.688,40	3.116,97
17.	LOVNICA	1148	1.428,57	2.233,00	3.661,57
18.	MAHOJE	374	1.428,57	727,30	2.155,87
19.	DOLAC	133	1.428,57	259,00	1.687,57
20.	STIPOVIĆI	622	1.428,57	1.209,60	2.638,17
21.	KRIVAJA	396	1.428,60	770,00	2.198,60
<b>U K U P N O</b>		<b>35.988</b>	<b>30.000,00</b>	<b>70.000,00</b>	<b>100.000,00</b>

\*Procjena broja stanovnika na osnovu popisa iz 2013.g.uz faktor migracija  
 Općina Zavidovići, Ul. Safvet bega Bašagića bb. 72220 Zavidovići  
 tel: 032-878-314 centrala, fax: 032-868-230, [www.zavidovici.ba](http://www.zavidovici.ba), [opzdici@bih.net.ba](mailto:opzdici@bih.net.ba)

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-169/17-AP-4  
Datum, 31.1.2017. godine

Na osnovu člana 250. stav 1. i člana 335. Zakona o privrednim društvima („Službene novine Federacije Bosne i Hercegovine“, broj: 81/15), člana 14. Ugovora o osnivanju društva sa ograničenom odgovornošću („Službeni glasnik općine Zavidovići“, broj: 5/06) i člana 25. Statuta općine Zavidovići („Službeni glasnik općine Zavidovići“, broj: 5/08 i 5a/08), Općinsko vijeće Zavidovići na 4. sjednici od 31.01.2017. godine, donijelo je

### O D L U K U

o imenovanju punomoćnika Skupštine Razvojne agencije Zavidovići d.o.o. Zavidovići

#### Član 1.

Općina Zavidovići, pravo učešća u radu i odlučivanju na Skupštini Razvojne agencije Zavidovići d.o.o. Zavidovići sa 60 % osnivačkog kapitala ostvaruje putem punomoćnika koji je u svemu dužan postupati u skladu sa dobijenim obavezujućim uputstvima osnivača.

#### Član 2.

Mustafić Almir, imenuje se za punomoćnika Skupštine preduzeća Razvojne agencije Zavidovići d.o.o. Zavidovići koji predstavlja 60 % glasačkog prava u ime osnivača.

#### Član 3.

Ovlašćuje se Općinski načelnik, da u ime osnivača može davati upute o postupanju punomoćniku Skupštine iz člana 2. ove Odluke.

#### Član 4.

Ovlašteni punomoćnik iz člana 2. ove Odluke imenuje se na period od dvije godine od dana stupanja na snagu ove Odluke.

#### Član 5.

Ova odluka stupa na snagu prvog narednog dana od dana objavljivanja u „Službenom glasniku općine Zavidovići“.

**PREDSJEDAVAJUĆI  
OPĆINSKOG VIJEĆA**

(M.P)

Redžo Seferović, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-31-161/17-AP-5  
Datum, 31.1.2017. godine

Na osnovu člana 66. Zakona o građevinskom zemljištu Federacije BiH ("Službene novine Federacije BiH", broj: 67/05) i člana 25. tačka 26. Statuta općine Zavidovići ("Službeni glasnik općine Zavidovići", broj: 5/08 i 5/a/08), Općinsko vijeće Zavidovići je na 4. sjednici održanoj dana 31.01.2017. godine, donijelo

### ODLUKU

o utvrđivanju prosječne konačne građevinske cijene m<sup>2</sup> korisne stambene površine na području općine Zavidovići za 2017. godinu

#### Član 1.

Utvrđuje se prosječna konačna građevinska cijena m<sup>2</sup> korisne stambene površine na području općine Zavidovići za 2017. godinu u iznosu od 548,00 KM.

#### Član 2.

Ova odluka stupa na snagu prvog narednog dana od dana objavljivanja u „Službenom glasniku općine Zavidovići“, a primjenjivat će se od 01.01.2017. godine.

PREDSJEDAVAJUĆI  
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-159/17-AP-4  
Datum, 31.1.2017. godine

Na osnovu člana 33. Statuta općine Zavidovići („Službeni glasnik općine Zavidovići“, broj: 5/08 i 5a/08) i člana 30. stav 1. Poslovnika o radu Općinskog vijeća Zavidovići („Službeni glasnik općine Zavidovići“, broj: 7/14, 8/14 i 9/14), Općinsko vijeće Zavidovići na 4. sjednici održanoj 31.01.2017. godine, donijelo je

## **RJEŠENJE**

### **o izmjenama rješenja o uspostavljanju Kolegija Općinskog vijeća Zavidovići**

#### **I**

U Rješenju o uspostavljanju Kolegija Općinskog vijeća Zavidovići, broj: 01-05-3623/16-AP-2 od 28.11.2016 godine („Službeni glasnik općine Zavidovići“, broj: 9/16), u tački I, podtačka 9. koja glasi : „9. FERID DŽAFEROVIĆ – predsjednik Kluba vijećnika Demokratske fronte i Stranke penzionera / umirovljenika BiH“, te u tački II, podtačka 6. koja glasi: „6. JOSIP ŠPORDER – zamjenik predsjednika Kluba vijećnika Demokratske fronte i Stranke penzionera / umirovljenika BiH.“, se brišu.

#### **II**

U tački I, podtačka 10. postaje podtačka 9.

#### **III**

Rješenje stupa na snagu danom donošenja i bit će objavljeno u „Službenom glasniku općine Zavidovići“.

**PREDSJEDAVAJUĆI  
OPĆINSKOG VIJEĆA**

(M.P.)

Redžo Seferović, s.r.



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-251/17-AP-5  
Datum, 31.1.2017. godine

Na osnovu člana 25. tačka 17. Statuta općine Zavidovići („Službeni glasnik općine Zavidovići“, broj 5/08 i 5a/08), te člana 33. stav 1. i člana 37. Poslovnika o radu Općinskog vijeća Zavidovići („Službeni glasnik općine Zavidovići“, broj: 7/14, 8/14 i 9/14), Općinsko vijeće Zavidovići na 4. sjednici održanoj 31.01.2017. godine, d o n o s i

## **R J E Š E N J E**

### **o imenovanju predsjednika i članova Komisije za prigovore, predstavke i prijedloge**

#### **I**

U Komisiju za prigovore, predstavke i prijedloge imenuju se:

1. SEDINA MRĐANOVIĆ, predsjednik;
2. SELMA SOJKIĆ, zamjenik predsjednika;
3. EDHEM HALILOVIĆ, član;
4. ELMIN DELIĆ, član;
5. AMELA MAČAK, član.

#### **II**

Komisija iz tačke I sastoji se od predsjednika, zamjenika predsjednika i tri člana. Komisija se imenuje na period od četiri godine.

#### **III**

Komisija u okviru svoje nadležnosti razmatra prigovore, predstavke i prijedloge koje građani upućuju ili neposredno podnose Vijeću, te daje mišljenje o podnesenim prigovorima, predstavkama i prijedlozima.

#### **IV**

Komisiji iz tačke I pripada pravo na naknadu u skladu sa Odlukom o osnovama i načinu isplate naknada i drugih primanja vijećnika i drugih radnih tijela Općinskog vijeća Zavidovići („Službeni glasnik općine Zavidovići“, broj: 2/14 – prečišćen tekst).

#### **V**

Rješenje stupa na snagu danom donošenja i bit će objavljeno u „Službenom glasniku općine Zavidovići“.

**PREDSJEDAVAJUĆI  
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-252/17-AP-5  
Datum, 31.1.2017. godine

Na osnovu člana 25. tačka 17. Statuta općine Zavidovići („Službeni glasnik općine Zavidovići“, broj: 5/08 i 5a/08), te člana 33. stav 1. i člana 37. Poslovnika o radu Općinskog vijeća Zavidovići („Službeni glasnik općine Zavidovići“, broj: 7/14, 8/14 i 9/14), Općinsko vijeće Zavidovići na 4. sjednici održanoj 31.01.2017. godine, d o n o s i

## **R J E Š E N J E**

### **o imenovanju predsjednika i članova Komisije za poslove mjesnih zajednica**

#### **I**

U Komisiju za poslove mjesnih zajednica imenuju se:

1. ELVIR STARČEVIĆ, predsjednik;
2. NUSRET BULJUBAŠIĆ, zamjenik predsjednika;
3. AIDA KAPETANOVIĆ, član;
4. MUAMER KALABIĆ, član;
5. SENADA ČAMDŽIĆ, član.

#### **II**

Komisija iz tačke I sastoji se od predsjednika, zamjenika predsjednika i tri člana. Komisija se imenuje na period od četiri godine.

#### **III**

Komisija u okviru svoje nadležnosti razmatra pitanja koja se odnose na: postupak osnivanja mjesnih zajednica i promjene područja mjesnih zajednica, te izbor organa mjesnih zajednica; podsticanje međusobne saradnje mjesnih zajednica, povezivanje i udruživanje sredstava mjesnih zajednica za rješavanje pitanja od zajedničkog interesa; planove i programe finansiranja potreba mjesnih zajednica; praćenje stanja u mjesnim zajednicama i razmatranje pitanja od značaja za razvoj mjesnih zajednica; druga pitanja iz ove oblasti.

#### **IV**

Komisiji iz tačke I pripada pravo na naknadu u skladu sa Odlukom o osnovama i načinu isplate naknada i drugih primanja vijećnika i drugih radnih tijela Općinskog vijeća Zavidovići („Službeni glasnik općine Zavidovići“, broj: 2/14 – prečišćen tekst).

#### **V**

Rješenje stupa na snagu danom donošenja i bit će objavljeno u „Službenom glasniku općine Zavidovići“.

**PREDSJEDAVAJUĆI  
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-253/17-AP-5  
Datum, 31.1.2017. godine

Na osnovu člana 25. tačka 17. Statuta općine Zavidovići („Službeni glasnik općine Zavidovići“, broj 5/08 i 5a/08), te člana 33. stav 1. i člana 37. Poslovnika o radu Općinskog vijeća Zavidovići („Službeni glasnik općine Zavidovići“, broj: 7/14, 8/14 i 9/14), Općinsko vijeće Zavidovići na 4. sjednici održanoj 31.01.2017. godine, d o n o s i

## **R J E Š E N J E**

### **o imenovanju predsjednika i članova**

#### **Komisije za pitanja boraca i tekovina Odbrambeno-oslobodilačkog rata**

#### **I**

U Komisiju za pitanja boraca i tekovina Odbrambeno-oslobodilačkog rata imenuju se:

1. OSMAN AVDIĆ, predsjednik;
2. ELMEDIN MUJKIĆ, zamjenik predsjednika;
3. MUHAMED MUJIĆ, član;
4. SENAD BULJUBAŠIĆ, član;
5. KASIM IBRIĆ, član.

#### **II**

Komisija iz tačke I sastoji se od predsjednika, zamjenika predsjednika i tri člana. Komisija se imenuje na period od četiri godine.

#### **III**

Komisija u okviru svoje nadležnosti razmatra pitanja koja se odnose na: boračku populaciju i članove njihovih porodica; logoraše i članove njihovih porodica; civilne žrtve rata i članove njihovih porodica; razmatra pitanja radi zadovoljenja potreba i ostvarivanja prava naznačenih populacija; prati i analizira stanje u ovoj oblasti; podnosi prijedlog Vijeću za rješavanje statusnih pitanja naprijed navedenih populacija; razmatra sva pitanja u vezi sa spomen obilježjima i daje prijedloge nadležnim organima i svojim prijedlozima obavještavaju Vijeće; koordinira sa boračkim udruženjima; vrši i druge poslove koji su u njen djelokrug rada stavljeni općim aktima Vijeća.

#### **IV**

Komisiji iz tačke I pripada pravo na naknadu u skladu sa Odlukom o osnovama i načinu isplate naknada i drugih primanja vijećnika i drugih radnih tijela Općinskog vijeća Zavidovići („Službeni glasnik općine Zavidovići“, broj: 2/14 – prečišćen tekst).

#### **V**

Rješenje stupa na snagu danom donošenja i bit će objavljeno u „Službenom glasniku općine Zavidovići“.

**PREDSJEDAVAJUĆI  
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-254/17-AP-5  
Datum, 31.1.2017. godine

Na osnovu člana 119. stav 2. Statuta općine Zavidovići („Službeni glasnik općine Zavidovići“, broj: 5/08 i 5a/08), te člana 37. Poslovnika o radu Općinskog vijeća Zavidovići („Službeni glasnik općine Zavidovići“, broj: 7/14, 8/14 i 9/14), Općinsko vijeće Zavidovići na 4. sjednici održanoj 31.01.2017. godine, d o n o s i

## **R J E Š E N J E**

**o imenovanju predsjednika i članova Drugostepene komisije za rješavanje po žalbama izjavljenim protiv prvostepenih rješenja i drugih prvostepenih akata Općinskog načelnika**

### **I**

U Drugostepenu komisiju za rješavanje po žalbama izjavljenim protiv prvostepenih rješenja i drugih prvostepenih akata Općinskog načelnika, imenuju se:

1. ĐENANA VUKOVIĆ, predsjednik;
2. VANJA OMERČEVIĆ, zamjenik predsjednika;
3. NASIHA BJELIĆ, član;
4. AMERISA MUHIĆ, član;
5. HASIB IMŠIROVIĆ, član.

### **II**

Komisija iz tačke I sastoji se od predsjednika, zamjenika predsjednika i tri člana. Komisija se imenuje na period od četiri godine.

### **III**

Zadatak Komisije iz tačke I je da rješava po žalbama izjavljenim protiv prvostepenih rješenja i drugih prvostepenih pojedinačnih akata Općinskog načelnika.

### **IV**

Komisiji iz tačke I pripada pravo na naknadu u skladu sa Odlukom o osnovama i načinu isplate naknada i drugih primanja vijećnika i drugih radnih tijela Općinskog vijeća Zavidovići („Službeni glasnik općine Zavidovići“, broj: 2/14 – prečišćen tekst).

### **V**

Rješenje stupa na snagu danom donošenja i bit će objavljeno u „Službenom glasniku općine Zavidovići“.

**PREDSJEDAVAJUĆI  
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-14-234/17-AP-7  
Datum, 31.1.2017. godine

Na osnovu člana 106. Poslovnika o radu Općinskog vijeća Zavidovići («Službeni glasnik općine Zavidovići», broj: 7/14, 8/14 i 9/14), Općinsko vijeće Zavidovići na 4. sjednici od 31.01.2017. godine, razmatralo je Prijedlog odluke o raspodjeli sredstava za redovan rad mjesnih zajednica u 2017. godini, pa nakon rasprave donijelo

### ZAKLJUČAK

1. Općinsko vijeće Zavidovići zadužuje Općinskog načelnika sa nadležnim službama da do iduće sjednice Općinskog vijeća revidira postojeći i utvrdi tačan broj stanovnika po mjesnim zajednicama na osnovu podataka koje će dostaviti mjesne zajednice, a koje su planirane na osnovu broja stanovnika u mjesnim zajednicama.

2. Općinsko vijeće Zavidovići zadužuje Općinskog načelnika i nadležne službe da planirana sredstva u Budžetu općine Zavidovići za 2016. godinu na Transferu mjesnim zajednicama u iznosu od 80.000 KM u cijelosti realizuju odnosno izvrše terećenje Budžeta za 2016. godinu, a da se uplate izvrše u prvom kvartalu 2017. godine.

3. Zaključak stupa na snagu danom donošenja, a o njegovoj realizaciji starat će se Kabinet Općinskog načelnika i Služba za upravu društvenih djelatnosti i opću upravu.

PREDSJEDAVAJUĆI  
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-3823/16-AP-7  
Datum, 31.1.2017. godine

Na osnovu člana 106. Poslovnika o radu Općinskog vijeća Zavidovići («Službeni glasnik općine Zavidovići», broj: 7/14, 8/14 i 9/14), Općinsko vijeće Zavidovići na 4. sjednici od 31.01.2017. godine, razmatralo je Inicijativu za promjenu naziva Općinske stipendije za posebno nadarene studente, pa nakon rasprave donijelo

### ZAKLJUČAK

1. Općinsko vijeće Zavidovići prihvata Inicijativu vijećnika Zahida Avdičevića za promjenu naziva Transfera za posebno nadarene studente.
2. Zadužuju se Općinski načelnik i nadležna Služba da pripreme prijedlog akta za realizaciju predmetne inicijative.
3. Zaključak stupa na snagu danom donošenja, a o njegovoj realizaciji starat će se Kabinet Općinskog načelnika i Služba za upravu društvenih djelatnosti i opću upravu.

PREDSJEDAVAJUĆI  
OPĆINSKOG VIJEĆA

(M.P.)

Redžo Seferović, s.r.

**II – AKTI OPĆINSKOG NAČELNIKA**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK



Broj: 02-05-219/17-AP-2  
Datum: 18.01.2017. godine

Na osnovu člana 15. Zakona o principima lokalne samouprave u Federaciji BiH („Službene novine Federacije BiH“ broj 49/05 i 51/09), člana 12. Pravilnika o unutrašnjoj organizaciji jedinstvenog Općinskog organa uprave i posebnih službi Općine Zavidovići („Službeni glasnik općine Zavidovići“ broj 9/2014, 7/2015 i 4/2014) i člana 39. i 118. Statuta općine Zavidovići («Službeni glasnik općine Zavidovići» broj 5/2008 i 5/a/2008) Općinski načelnik općine Zavidovići dana 18.01.2017. godine, donio je

**POSLOVNIK**  
o radu Kolegija Općinskog načelnika Zavidovići

**I – OSNOVNE ODREDBE**

**Član 1.**  
(Predmet regulisanja)

Ovim Poslovnikom se uređuje način rada sjednica Kolegija Općinskog načelnika Zavidovići (u daljem tekstu Kolegij).

**Član 2.**  
(Učestvovanje u radu Kolegija)

Radi raspravljanja načelnih i drugih pitanja iz nadležnosti rada općinskog organa državne službe, davanja mišljenja i prijedloga, Općinski načelnik saziva Kolegij, koji pored Općinskog načelnika čine sekretar općinskog organa državne službe, pomoćnici Općinskog načelnika, sekretar Općinskog vijeća Zavidovići i općinski pravobranilac.

U radu Kolegija mogu učestvovati i drugi državni službenici po pozivu Općinskog načelnika.

**Član 3.**  
(Predmet razmatranja)

Kolegij razmatra:

1. Materijale i pitanja koji se upućuju na razmatranje Općinskom vijeću Zavidovići,
2. Materijale i pitanja iz nadležnosti rada općinskog organa državne službe,
3. Druga pitanja za koje se pokažu interes i potreba.

**II- SAZIVANJE SJEDNICE**

**Član 4.**  
(Sazivanje sjednica)

- 22 -

Sjednicu Kolegija saziva i njome predsjedava Općinski načelnik, a u njegovoj odsutnosti sekretar općinskog organa državne službe koji obavlja i ostale poslove propisane ovim Poslovnikom u slučaju njegove odsutnosti.

Sazivanje sjednice Kolegija vrši se pismenim putem ili usmeno.

U slučaju pismenog pozivanja na sjednicu Kolegija dostavlja se prijedlog dnevnog reda i materijali koji će se razmatrati.

#### Član 5.

(Vrijeme održavanja sjednica)

Sjednica Kolegija održava se:

- 5. dana tekućeg mjeseca za materijale i pitanja koji se upućuju na razmatranje Općinskom vijeću Zavidovići za sjednicu koja se održava u tekućem mjesecu, ukoliko Općinski načelnik drugačije ne odredi,

- 20. dana tekućeg mjeseca za materijale i pitanja iz nadležnosti rada općinskog organa državne službe i druga pitanja za koje se pokaže interes i potreba, ukoliko Općinski načelnik drugačije ne odredi i

- kada se ukaže potreba za održavanjem istog.

Materijali i pitanja koji se razmatraju na sjednicama Kolegija iz prethodnog stava mogu se po ukazanoj potrebi kombinovati.

### III – DNEVNI RED

#### Član 6.

(Dnevni red)

Dnevni red sastavlja i utvrđuje Općinski načelnik.

Materijal za sjednicu Kolegija mora se dostaviti najkasnije 24 sata prije održavanja sjednice, a izuzetno materijali se mogu dostaviti i neposredno prije početka sjednice ukoliko to Općinski načelnik naloži ili odobri.

Pripremu materijala za sjednicu Kolegija vrši Kabinet općinskog načelnika.

Materijali se mogu dostavljati i razmatrati elektronskim putem.

#### Član 7.

(Dostavljanje materijala)

Materijali koji se razmatraju na sjednicama Kolegija moraju se dostaviti u Kabinet općinskog načelnika:

- za sjednice Kolegija iz člana 5. stav 1. alineja 1. ovog Poslovnika do 10. dana tekućeg mjeseca za materijale koji će se razmatrati na sjednici Općinskog vijeća Zavidovići u narednom mjesecu,

- za sjednice Kolegija iz člana 5. stav 1. alineja 2. ovog Poslovnika do 15. dana tekućeg mjeseca,

- za sjednice Kolegija iz člana 5. stav 1. alineja 3. ovog Poslovnika do roka koji odredi Općinski načelnik.

Materijali koji budu upućeni na razmatranje nakon isteka rokova iz stava 1. ovog člana neće biti razmatrani na predstojećoj sjednici Kolegija, te njihov obrađivač snosi odgovornost zakašnjenja ukoliko Općinski načelnik drugačije ne odluči.

#### Član 8.

(Izuzeci)



Ukoliko je na posljednjoj sjednici Općinskog vijeća Zavidovići zatraženo pripremanje akata koji trebaju biti razmatrani na narednoj sjednici, ili Općinski načelnik zbog značaja materijala odluči da materijal uputi na prvu narednu sjednicu Općinskog vijeća Zavidovići, takvi materijali se mogu dostaviti do održavanja sjednice Kolegija iz člana 5. stav 1. tačka 1. ovog Poslovnika.

Izuzetak iz prethodnog stava primjenivat će se i u slučaju održavanja Kolegija iz člana 5. stav 1. alineja 2. ovog Poslovnika.

#### IV - ODRŽAVANJE I TOK SJEDNICE

##### Član 9.

(Otvaranje i prisutnost na sjednici)

Općinski načelnik otvara sjednicu Kolegija i utvrđuje prisutnost članova Kolegija.

Neopravdano kašnjenje i izlaženje sa sjednice Kolegija bez odobrenja Općinskog načelnika nije dozvoljeno.

Prije početka sjednice Kolegija svi njegovi članovi i pozvani su dužni isključiti zvučni signal na mobilnom aparatu, te se mogu javljati samo na pozive hitne prirode uz odobrenje Općinskog načelnika.

Dnevni red se utvrđuje na osnovu ranije dostavljenog pisanog materijala ili na osnovu prijedloga dnevnog reda.

##### Član 10.

(Rasprava na sjednici)

Rasprava na sjednicama vrši se po tačkama utvrđenog dnevnog reda uz uvodno izlaganje izvjestioca koji je materijal dostavio za razmatranje.

Članovi Kolegija i pozvani ne mogu diskutovati na sjednici bez odobrenja Općinskog načelnika.

#### VI - ZAPISNIK

##### Član 11.

(Sadržaj i vođenje zapisnika)

O toku i radu sjednice Kolegija vodi se zapisnik, koji naročito treba da sadrži:

- redni broj sjednice,
- da sjednicu održava Kolegij,
- naznačenje sata kada je sjednica počela,
- naznačenje mjesta i datuma održavanja sjednice,
- ime zapisničara,
- broj prisutnih članova i imena odsutnih članova,
- imena pozvanih lica,
- konstataciju Općinskog načelnika o postojanju uvjeta za početak rada sjednice,
- predloženi i usvojeni dnevni red sjednice,
- imena diskutantata i bitnu sadržinu njihove diskusije (prijedlozi, mišljenja, sugestije, analize),
- zaključke koji su doneseni,

- 24 -

– naznačenje sata kada je sjednica završena, potpis zapisničara i sekretara općinskog organa državne službe kao ovjerivača zapisnika.

Općinski načelnik će rješenjem odrediti državnog službenika ili namještenika koji će voditi zapisnik, i koji je dužan izraditi prijepis zapisnika i zaključke donesene na sjednici Kolegija.

Član 12.  
(Čuvanje zapisnika)

Zapisnici sa svim prilogima čuvaju se hronološkim redom održavanja sjednica u jednom mandatnom periodu.

Zapisnik se vodi u posebnoj knjizi „Zapisnici sa sjednica Kolegija Općinskog načelnika“.

VI – NADZOR

Član 13.  
(Nadzor)

Nad sprovođenjem odredbi ovog Poslovnika vrši Kabinet općinskog načelnika.

Član 14.  
(Odgovornost)

Kršenje i nepoštivanje odredbi ovog Poslovnika predstavlja povredu službene dužnosti.

V - ZAVRŠNE ODREDBE

Član 15.  
(Objavljivanje na web stranici)

Dnevni red sa datumom održavanja sjednice i zaključci doneseni na sjednici Kolegija se objavljuju na web stranici Općine Zavidovići.

Član 16.  
(Početak primjene)

Odredba člana 7. stav 1. alineja 1. ovog Poslovnika primjenjivat će se počev od 01.04.2017. godine.

Član 17.  
(Stupanje na snagu)

Ovaj Poslovnik stupa na snagu danom donošenja i objavit će se u „Službenom glasniku općine Zavidovići“.

OPĆINSKI NAČELNIK

(M.P.)

mr. sci. Hašim Mujanović, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK



Broj: 02-05-220/17-AP-2  
Datum: 18.01.2017. godine

Na osnovu člana 10. stav 5. Zakona o porezu na promet nekretnina ("Službene novine Zeničko-dobojskog kantona" broj 6/09), člana 16. stav 5. Zakona o porezu na imovinu, nasljeđe i poklon ("Službene novine Zeničko-dobojskog kantona", broj: 9/09), člana 25. Zakona o sudskim taksama ("Službene novine Zeničko-dobojskog kantona", broj: 12/09, 4/11, 7/11, 2/12 i 9/13) i člana 39. i 118. Statuta Općine Zavidovići ("Službeni glasnik općine Zavidovići", broj: 5/2008 i 5/a/2008) Općinski načelnik Zavidovići, donio je

### PRAVILNIK

o izmjenama i dopunama Pravilnika o načinu rada komisije i kriterijima na osnovu kojih se vrši utvrđivanje tržišne vrijednosti nekretnina na području općine Zavidovići

#### Član 1.

U Pravilniku o načinu rada komisije i kriterijima na osnovu kojih se vrši utvrđivanje tržišne vrijednosti nekretnina na području općine Zavidovići („Službeni glasnik općine Zavidovići“, broj: 13/2013), iza člana 6. dodaje se novi član 6a. koji glasi: „Prije podnošenja prijave za procjenu tržišne vrijednosti nekretnine moraju se izmiriti sva dospjela dugovanja koja su nastala po osnovu obaveze plaćanja komunalna naknade, naknade za korištenje gradskog građevinskog zemljišta i naknade za vatrogastvo za nekretninu koja je predmet procjene.“

#### Član 2.

U članu 7. iza stava 2. dodaje se stav 3. koji glasi: „Komisija po službenoj dužnosti provjerava da li su izmirena sva dospjela dugovanja nastala po osnovu obaveze plaćanja komunalne naknade, naknade za korištenje gradskog građevinskog zemljišta i naknade za vatrogastvo za nekretninu koja je predmet procjene i o tome obavještava podnosioca prijave.“

#### Član 3.

U članu 8. stav 1. prva rečenica mijenja se i glasi: „U slučaju nepotpune prijave, nedostatka nekog od priloga iz prethodnog stava ili postojanja dugovanja nastalog po osnovu obaveze plaćanja komunalne naknade, naknade za korištenje gradskog građevinskog zemljišta i naknade za vatrogastvo za nekretninu koja je predmet procjene, Predsjednik će pozvati stranku da prijavu dopuni odnosno da se dugovanje izmiri.“

#### Član 4.

U članu 17. iza stav 2. dodaje se novi stav 3. koji glasi: „Izuzetno od prethodnog stava Komisija neće dostaviti sačinjeni zapisnik poreznom odnosno taksenom obvezniku, niti izvršiti njegovu dostavu u skladu sa članom 18. ovog Pravilnika, sve dok dospjela dugovanja koja su nastala po osnovu obaveze plaćanja komunalne naknade, naknade za korištenje gradskog građevinskog zemljišta i naknade za vatrogastvo za nekretninu koja je predmet procjene ne

- 26 -

budu u potpunosti izmirena, o čemu se pismeno obavještavaju porezni odnosno takseni obveznik i Porezna ispostava Zavidovići.“

Dosadašnji stavovi 3., 4. i 5. postaju stavovi 4., 5. i 6.

#### Član 5.

U obrascu prijave poreza iz anexa 1. Pravilnika dodaje se rečenica koja glasi: „NAPOMENA: Prije podnošenja prijave za procjenu tržišne vrijednosti nekretnine moraju se izmiriti sva dospjela dugovanja koja su nastala po osnovu obaveze plaćanja komunalne naknade, naknade za korištenje gradskog građevinskog zemljišta i naknade za vatrogastvo za nekretninu koja je predmet procjene.“

#### Član 6.

Započeti postupci prije stupanja na snagu ovog Pravilnika okončat će se primjenom odredbi Pravilnika o načinu rada komisije i kriterijima na osnovu kojih se vrši utvrđivanje tržišne vrijednosti nekretnina na području općine Zavidovići koje su važile prije stupanja na snagu ovih izmjena i dopuna Pravilnika.

#### Član 7.

Ovaj Pravilnik stupa na snagu osmog dana od dana objavljivanja u „Službenom glasniku općine Zavidovići“ i početak će se primjenivati od 01.03.2017. godine.

OPĆINSKI NAČELNIK

(M.P.)

mr. sci. Hašim Mujanović, s.r.

**III – AKTI MINISTARSTVA ZDRAVSTVA  
ZENIČKO-DOBOJSKOG KANTONA**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZDRAVSTVA

(prepis)

Broj: 11-37-376-1/17  
Zenica, 10.01.2017. godine

Na osnovu člana 214. Zakona o upavnom postupku („Službene novine FBiH“, broj: 2/98 i 48/99) i člana 2. stav 1. Pravilika o načinu pregleda umrlih, te utvrđivanje vremena i uzroka smrti („Službene novine Federacije Bosne i Hercegovine“, broj: 79/13 i 9/14), na zahtjev Javne ustanove Dom zdravlja Zavidovići, Ministarstvo zdravstva Zeničko-dobojskog kantona, donosi

**R J E Š E N J E**  
**o imenovanju mrtvozornika**

**I**

Imenuju se mrtvozornici, odnosno ovlašteni doktori medicine za obavljanje pregleda umrlih, te utvrđivanja uzroka smrti umrlih izvan zdravstvene ustanove na području općine Zavidovići:

**1. Grad Zavidovići i mjesna područja (Majdan, Alići, Dolina, Dubravica, Skroze, Podklečje, Ridžali, Džebe, Biljačić i Dolac)**

- dr. Guljević Galjina, specijalista porodične medicine – mrtvozornik,
- dr. Nurkić Merisa, doktor medicine – zamjenik,
- dr. Avdić Damir, specijalista urgentne medicine – zamjenik,
- dr. Jupić Adnan, specijalista urgentne medicine, zamjenik,
- dr. Čizmić Mirel, doktor medicine – zamjenik,
- dr. Skejić Samir, specijalista porodične medicine – zamjenik,
- dr. Hamzić Edina, ljekar opće prakse – zamjenik.

**2. Mjesno područje Gostović**

- dr. Brčić Emir, ljekar opće prakse – mrtvozornik,
- dr. Polić Elma, ljekar opće prakse – zamjenik,
- dr. Suljić Amela, ljekar opće prakse – zamjenik,
- dr. Hatunić Alen, ljekar opće prakse – zamjenik,
- dr. Čamdžić Alen, ljekar opće prakse – zamjenik.

**3. Mjesno područje Pašin Konak – Hajdar**

- dr. Mahmutović Valbona, ljekar opće prakse – mrtvozornik,

- 28 -

- dr. Polić Elma, ljekar opće prakse – zamjenik,
- dr. Omerčević Mirza, ljekar opće prakse – zamjenik,
- dr. Brčić Emir, ljekar opće prakse – zamjenik,
- dr. Džuvic Edib, ljekar opće prakse – zamjenik.

#### **4. Mjesno područje Kovači**

- dr. Skejić Samir, specijalista porodične medicine – mrtvozornik,
- dr. Hatunić Alen, ljekar opće prakse – zamjenik,
- dr. Suljić Amela, ljekar opće prakse – zamjenik,
- dr. Brčić Emir, ljekar opće prakse – zamjenik,
- dr. Keserović Namik, ljekar opće prakse – zamjenik.

#### **5. Mjesno područje Vozuća**

- dr. Hatunić Alen, ljekar opće prakse – mrtvozornik,
- dr. Rovčanin Ajdin, ljekar opće prakse – zamjenik,
- dr. Brčić Emir, ljekar opće prakse – zamjenik,
- dr. Hamzić Edina, ljekar opće prakse – zamjenik,
- dr. Omerčević Mirza, ljekar opće prakse – zamjenik.

### **II**

Zadatak je mrtvozornika da na području općine Zavidovići vrše pregled umrlih osoba u cilju utvrđivanja nastupa, vremena i uzroka smrti i utvrđivanja okolnosti pod kojim je smrt nastupila.

### **III**

U postupku pregleda umrlih i utvrđivanja vremena i uzroka smrti mrtvozornici su dužni da svoje zadatke iz tačke II. ovog rješenja obavljaju po postupku i na način propisan Pravilnikom o načinu pregleda umrlih, te utvrđivanja vremena i uzroka smrti.

### **IV**

Mrtvozornici imaju pravo na naknadu za pregled umrlih osoba i pravo na naknadu putnih troškova u iznosu utvrđenom Odlukom o visini naknada za obavljanje pregleda umrlih, utvrđivanja vremena i uzroka smrti osoba umrlih izvan zdravstvene ustanove na području Zeničko-dobojskog kantona („Službene novine Zeničko-dobojskog kantona“, broj: 7/15 i 12/15).

### **V**

Ovim rješenjem stavljaju se van snage rješenja ovog Ministarstva broj: 11-37-8708/16 od 22.04.2016. godine i broj: 11-37-8708-1/16 od 12.12.2016. godine.

- 29 -

## VI

Ovo rješenje stupa na snagu danom donošenja i objavit će se u „Službenom glasniku općine Zavidovići“.

### **O b r a z l o ž e n j e**

Rješenjem Ministarstva zdravstva broj: 11-37-8708/16 od 22.04.2016. godine i broj: 11-37-8708-1/16 od 12.12.2016. godine, imenovani su mrtvozornici odnosno ovlašteni doktori medicine za obavljanje pregleda umrlih, te utvrđivanje uzroka smrti umrlih izvan zdravstvene ustanove na području općine Zavidovići.

Zahtjevom Općine Zavidovići broj: 01-2.08-2904/16 od 26.12.2016. godine, zatraženo je donošenje novog rješenja o imenovanju mrtvozornika, uz obrazloženje da je određeni broj ljekara koji su bili imenovani za mrtvozornika upućen na specijalizaciju, zbog čega više ne mogu obavljati poslove mrtvozorstva, a istovremeno je primljen novi broj liječnika koje je potrebno ovlastiti za navedene poslove.

Cijeneći podneseni zahtjev opravdanim, primjenom člana 2. stav 1. Pravilnika o načinu pregleda umrlih, te utvrđivanja vremena i uzroka smrti, odlučeno je kao u dispozitivu ovog rješenja.

#### **Pouka o pravnom lijeku:**

Protiv ovog rješenja može se izjaviti žalba Federalnom ministarstvu zdravstva u roku od 15 dana od dana prijema rješenja. Žalba se podnosi u dva primjerka, putem Ministarstva zdravstva Zeničko-dobojskog kantona, usmeno na zapisnik ili pismeno.

Dostaviti:

1x Dom zdravlja Zavidovići, (M.P.)  
1x Imenovanim (putem JU Dom zdravlja Zavidovići),  
1x Općina Zavidovići,  
1x Policijska uprava Zavidovići,  
1x Sanitarna inspekcija Zavidovići,  
1x „Službeni glasnik općine Zavidovići“,  
1x a/a

MINISTAR

Dr. Dragoljub Brenjo, s.r.

**S A D R Ź A J**

Strana

**I – AKTI OPĆINSKOG VIJEĆA**

1. ODLUKA o izmjenama i dopunama Odluke o komunalnom redu.....	1
2. ODLUKA o dopuni Odluke o komunalnim taksama.....	4
3. ODLUKA o pristupanju izradi izmjena i dopuna Regulacionog plana „Centar II“ Zavidovići.....	5
4. ODLUKA o usvajanju Plana parcelacije građevinskog zemljišta.....	7
5. ODLUKA o raspodjeli sredstava za redovan rad mjesnih zajednica u 2017. godini.....	9
6. ODLUKA o imenovanju punomoćnika Skupštine Razvojne agencije Zavidovići d.o.o. ....	12
7. Prijedlog odluke o utvrđivanju prosječne građevinske cijene m <sup>2</sup> korisne stambene površine na području općine Zavidovići.....	13
8. RJEŠENJE o izmjenama Rješenja o uspostavljanju Kolegija Općinskog vijeća.....	14
9. RJEŠENJE o imenovanju predsjednika i članova Komisije za prigovore, predstavke i prijedloge.....	15
10. RJEŠENJE o imenovanju predsjednika i članova Komisije za poslove mjesnih zajednica....	16
11. RJEŠENJE o imenovanju predsjednika i članova Komisije za pitanja boraca i tekovina Odbrambeno-oslobodilačkog rata.....	17
12. RJEŠENJE o imenovanju predsjednika i članova Drugostepene komisije za rješavanje po žalbama izjavljenim protiv prvostepenih rješenja i drugih prvostepenih akata Općinskog načelnika.....	18
13. ZAKLJUČAK po Prijedlogu odluke o raspodjeli sredstava za redovan rad mjesnih zajednica u 2017. godini.....	19
14. ZAKLJUČAK po Inicijativi za promjenu naziva Općinske stipendije za posebno nadarene studente.....	20

**II – AKTI OPĆINSKOG NAČELNIKA**

1. POSLOVNIK o radu Kolegija Općinskog načelnika Zavidovići.....	21
2. PRAVILNIK o izmjenama i dopunama Pravilnika o načinu rada komisije i kriterijima na osnovu kojih se vrši utvrđivanje tržišne vrijednosti nekretnina na području općine Zavidovići.....	25

**III – AKTI MINISTARSTVA ZDRAVSTVA  
ZENIČKO-DOBOJSKOG KANTONA**

1. RJEŠENJE o imenovanju mrtvozornika.....	27
--	----